

Sanhgyangh:

Guh Lai Yiengh Hozdung Coux Cieng Moq

三江：多彩节目迎新春

1 nyied 13 hauh, Aen Hozdung Liujcouh Si Vwnzlenz Hidungj “Gij Siengjmuengh Raeuz—Vwnzva Haeuj Fanh Ranz” Bi 2022 youq Sanhgyangh Dungcuz Swciyen Duzdung Cin Duzdung Cunh haiguh, gyoengq boux gag nyienh fugsae h yienj cizmuz.

(Gungh Bujgangh/龚普康 Liengz Siumingz/梁秀明)



Haeuj Ndaw Ranz Lwnhrox Cwngcwz

政策宣传到农家

1 nyied 15 hauh, Yungzsuij Myauzcuz Swciyen Bwzyinz Yangh Baujgyangh Cunh Cucunh Gungh-cozdui yungh ndei duenh vunzmbanj dauq ranz gvaq cieng, haeuj mbanj haeuj ranz, lwnh vunzmbanj rox gij cwngcwz hawj minz ndaej leih, gaemhhaed binghra q caeuq gyau sinhnungzhox; soengq huq camnai hawj doengh ranz gungzhoj; camrox

(Lanz Gunh/兰堃)

Nanzningz: Hawciengz Huqcieng Hoengh Dangqmaz

南宁：年货市场好红火

Liggaeuq ndwencieng bi duzuguk yaek daengz lo, aen hawciengz huqcieng Gvangjsih Nanzningz Si huq goek gaeuq lai, huq yiengh gaeuq lai, gai cawx cungj hoengh. Ndawdoz dwg 1 nyied 15 hauh gyoengq siminz youq ndaw hawciengz huqcieng Nanzningz Gozci Veicanj Cunghsinh genj cawx huqlab miz gij daegsaek Swconh.

(Yi Sienghczenz/喻湘泉)



Gojgaeq Dinj Minzcuz Doxgiet Baenaj Laeng Gvangjsih

广西民族团结进步小故事

Vanj Lozswfhwnj Iqetet Gyonj Miz Minzcuz Doxgiet Hungloetloet(2)

小小螺蛳粉书写民族团结的大惊奇(2)

Vanj lozswfhwnj iqetet cienz bae gyae caeuq hwnghoengh, doinyoengx guek raeuz gij sibgvenq gwnndoet gak dieg ndaej lai doxbungq doxyaux, neix cingq dwg gij vwnzva gwnndoet gyonjcomz langhbaij hawj vunzlai cungj nyinhrox Cunghvaz Minzcuz caemh ranz ndeu, baenz le gij yienghndei daiyauj vwnzva Cungguek ok rogguek bae. Bi 2015, Liujcouh Si naemj ciuq “canjyezva, byauhuncunja、binjbaizva、gveihmozva” fatmaj lozswfhwnj, doekdingh aeu gihgai dajcang lozswfhwnj baenz daeh guh lozswfhwnj canjniel. “Lozswfhwnj Daegsaek Siujcin” laebbaenz, “Liujcouh Lozswfhwnj” Denswj Sanghyu Canj-yezyenz ndaej hai, “Liujcouh Lozswfhwnj Canjyez Yozyen” laebbaenz, gijneix cau h ok diuzgen bienhleih hawj mboengqgwz mboengqlaj diuz-lien canjniel ndaej ietraez fatmaj, langh rengz gyonjcomz ak raeuh. Bi 2020, gij Liujcouh lozswfhwnj baenz daeh gai ndaej 100 ik maenz, gij canjbinj boiqdauq caeuq dokmaj de gai ndaej mauhgyaq 130 ik maenz, gij Liujcouh lozswfhwnj baenz daeh dan youq gwnzvangj couh gai bae 11 ik daeh, cau h 30 lai fanh aen vihhong, vanj lozswfhwnj iqetet cau h’ ok canjniel hungloetloet.

(Gvangjsih Minzcuz Yenzgiu Cunghsinh hawj gauj)